



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

7. Ceruorum docilitas.

**urn:nbn:de:hbz:466:1-45686**

178 Cap. XIV. *Quantum sit homini etiamnur in beſi u. dominis  
runt ramos, moles denoluunt, aggeres conſtruunt, omniq; vi conantu  
extrahere. Troglodyta contermi Aethiopia, qui hoc ſolo venatu da-  
tur, arbores propinquas itineri eorum conſcendunt. Inde iortus agnus  
nouissimum ſpeculati, extremas in clunes deſiliunt. Leuæ apprehendant  
cauda, pedes ſtipantur in ſinistro femine. Ita pendens alterum poplum  
dextra cedit: ac präacuta bipenni hoc crure tardato profugens, alium  
poplum nervos ferit, cuncta praeleri pernicitate peragens. Alij tunc  
genere, ſed magis fallaci intentos ingentes arcu deſigunt humi longis.  
Hos präcipui viribus juuenes continent, alijs connixi pari conatu tenui  
ac prætereuntibus sagittarum venabula inſigunt, mox ſanguinis vultu  
gys ſequuntur. Hæc de elephantorum obedientia & ſubjectione  
ſufficiunt.*

VII.

Elian. lib. 2.  
cap. 25.

Virgil. 7.  
Æacid.

Quod ſi animalium maximum elephas proximimque  
manis ſenſibus, humana industria capi, regi, doceriq; potefi, quid  
de alijs vietiis aut vincendis dubitemus? Aiunt Carolum cen-  
dono datum Ptolomæo Philadelpho, qui lingua Graeca nuntiu-  
ſit, & loquentes intellexerit; in ruborem nobilium quorundam  
puſionum, qui, ut pigritiæ ſuæ litent, stupiditatem proſiteri no-  
verentur, dum ſe aiunt, ingenio carere, ad Graecas litteras addi-  
cendas. Tyrrhœo pecoris magistro ceruus fuit mansuetus,

quem

Quid. lib. 10. Et alijs Poëta:  
Metam.

Soror omni ſylviā cura  
Mollibus intexens ornabat cornua ſertiō,  
Pellebatq; ferum, puroq; in fonte lauabat.  
Ille manum patiens, mensaq; affuetus herili,  
Errabat ſylviis, rurſusque ad limina nota  
Ipſe domum ſera quamuis ſe nocte ferebat.  
Namq; ſacer Nymphi Cartea tenentibus illis  
Ingens ceruus erat, lateq; patentibus altis  
Ipſe ſuo capiti präbebat cornibus umbras:  
Cornua fulgebant auro, demissaq; in armos  
Pendebant tereti gommata monilia collo.  
Bulla ſuper frontem paruis argentea loris  
Vincta mouebatnr, pariliq; atate nitebant  
Auribus e geminis circum cana tempora baccas  
Iſq; metu uncius, uaturaliq; panore

Dip. 11

Depositum celebrare domos, mulcendaq; colla  
Quamlibet ignotis manibus præbere solebat.  
Sed tamen ante alios Cæc pulcherrime gentis  
Gratus erat Cyparisse tibi, tu pabula ceruum  
Ad noua, tu liquidi ducebas fontis ad undas;  
Tu modo texebas varios per cornua flores,  
Nunc eques in tergo residens huc letus & illuc  
Mollia purpureis frænabas ora capistris.

Ac, ne quis Poëticā hæc fide scribi existimet, testatur Plutarchus, Sertorium, insignem illum Romanum, contra Rōmanos, Hispanorum ducem, ceruam aluiisse, quam in expeditionibus suis, semper comitem habebat, fingens Diana esse numen, à quo res gerendas auspicateatur. Neque opus est, hanc rem planam facere testibus, quam experientia fere quotidiana oculis subiicit. Vidi ipse eiusmodi feras, cum pecore manè exeuntes, & vesperè redeuntes. Vidi qua duos, tres, plurēsue dies in siluis abnoctarent, & ad arcem tamen reuiserūe suam non obliuiscerentur. Vidi, Salisburgi, annosum & cornua alta ferentem ceruum, qui & frœnum, & scutum, & quod mirum magis, bombardæ à sessore intra cornua illius collocatae explosionem pateretur; equitēisque ad vnum fere milliare principes curru celerissimo vectos comitantem portaret, quo quis equo agiliorem. Quod si quis vult etiam fidelitatem cerui, *Elian. lib. 7. cap. 56.* Mithridates Ponticus, cùm somnum caperet, sui corporis custodiā non modò armis & satelliribus excubitoribus committebat: sed magis etiam tauro, & equo, & ceruo, quos mansuetos habebat. Ii enim ad custodiā eius dormientis aduigilantes, si quis accederet, illius sensum ex ipsa respiratione, quem mox percipiebant, atque ille ex mugitu, alter hinnitu, alias sua propria voce eum à somno excitabat.

Credibiliaora hæc fiunt ijs, quæ de lupis, vrsis, leonibus, ipsa tigride narrantur. Iacobus Christophorus Blarer, Episcopus Basiliensis, Collegij nostri Bruntrutani Fundator, Princeps æternæ memoria dignus, lupum habuit, non solum domi, atque in arce, inter canes familiariter & amicè versantem, sed etiam cum ijsdem canibus in silvas prodeuntem, nec segnius, quam canes, ceterorum loporum venationi instantem; adeò constantior, in amicitia, fuit

Z 2 cum

VIII.